

## GJALDSKRÁ

### fyrir sorphirðu og sorpeyðingu á Fljótsdalshéraði 2010.

#### 1. gr.

Árlegt þjónustugjald vegna sorphirðu og sorpeyðingar á Fljótsdalshéraði, til að standa undir kostnaði, er sem hér segir:

A. Á hverja íbúð í þéttbýli og á lögbyli, eða íbúðarhús utan þéttbýlis greiðist þjónustugjald:

Sorphirðugjald	kr. 14.600
Sorpförgunargjald	kr. 5.000
Samtals:	kr. 19.600

B. Tíðni losunar og rúmmál fláta:

Þéttbýli:

Brún 120 l	16 sinnum á ári
Grá 240 l	13 sinnum á ári
Græn 240 l	13 sinnum á ári

Dreifbýli:

Jarðgerðartunna	Ekki losuð
Grá 240 l	16 sinnum á ári
Græn 660 l	7 sinnum á ári

C. Á hvert frístundahús (sumarbústaðir o.þ.h.), 30% af fullu gjaldi (kr. 19.600) enda geti notendur þeirra losað sig við sorp á gámasvæðum á vegum sveitarfélagsins eða í reglubundna sorp-söfnunarferð sorpbíls sveitarfélagsins, þar sem aðstæður leyfa og þá samkvæmt sérstöku samkomulagi. Íbúar með lögheimili í sveitarfélaginu greiða hvorki sorphirðu- né sorpförgunargjald af frístundahúsum sínum innan sveitarfélagsins sem þeir nýta sjálfir ef þeir greiða fullt sorpgjald af öðru íbúðarhúsnæði sem þeir búa í, í sveitarfélaginu.

Auk gámasvæðis á Egilsstöðum verður gámasvæði opið við sumarbústaðahverfi með yfir 20 bústöðum yfir mesta ferðamannatímam skv. 6. gr. reglugerðar nr. 737/2003 um meðhöndlun úrgangs.

#### 2. gr.

Gjald fyrir sorphirðu samkvæmt 1. gr. skal innheimta með fasteignagjöldum.

#### 3. gr.

Gjald fyrir úrgang sem komið er með til söfnunarstöðvar:

<b>Meðhöndlun</b>	<b>kr. með vsk.</b>
<i>Tímavinna við flokkun og frágang</i>	3.026
<i>Vigtunargjald</i>	1.494
<i>Vigtunargjald utan opnunartíma</i>	8.125
 <b>Óflokkað</b>	 <b>kr./kg með vsk.</b>
<i>Grófur óflokkaður úrgangur</i>	19,74

Úrgangur sem þarf að flokka og vinna sérstaklega fyrir förgun og aðra meðhöndlun. Sem dæmi: teppi, dýnur, kaðlar, net, húsgögn, jarðvegur, málmar, timbur, steinefni og gler.

*Blandaður úrgangur* 13,74

Að mestu úrgangur sem fer ekki í skilgreindan endurvinnsluferil og þarfnast ekki sérstakrar meðhöndlunar fyrir förgun.

<b>Flokkað</b>	<b>kr./kg með vsk.</b>
<i>Timbur</i>	12,17
Hvítmálað, plasthúðað og blandað	
<i>Timbur</i>	5,18
Hreint, ekki litað eða fúavarið	
<i>Kjöt og sláturúrgangur</i>	13,74
<i>Heimilistæki o.fl.</i>	13,74
<i>Gras án aðskotahluta</i>	4,36
<i>Húsbúnaður, fatnaður o.fl. til endurnotkunar</i>	0
<i>Bylgjupappi sem er tækur til endurvinnslu</i>	0
<i>Dagblöð, tímarit, skrifstofupappír og annar pappír tækur til endurvinnslu</i>	0

**Gjöld vegna spilliefna og spilliefnamengaðs úrgangs o.þ.h. sem úrvinnslugjald er ekki lagt á:**  
**kr./kg með vsk.**

<i>Olúsíur</i>	103,54
<i>Olíuúrgangur s.s. ódælanlegur úrgangur og olíumengaður jarðvegur, tvistur o.fl.</i>	176,62
<i>Lífræn spilliefni með halógenum og/eða brennisteini s.s. ýmis PCB úrgangur</i>	811,01
Lífræn spilliefni án halógens og brennisteins	
<i>Lífræn efni: Etylenglýkól, frostlögur, prýlenglýkól, ediksýra, lífrænar sýrur, asfalt, amín, lífræn sölt, polyól og tektyl</i>	221,27
<i>Málning vatnsblönduð og önnur ótalin eftirlitsskyld spilliefni</i>	56,48
<i>Kvikasilfursmengaður úrgangur</i>	556,98
<i>Oxandi og gasmyndandi efni</i>	875,89
<i>Ólífræn spilliefni, s.s. brennisteinssýra, saltsýra, fosfórsýra, flúorsýra, krómsýra, málmhreinsisýrur, lútur, basísk affitunarböð með cyaníði, galvanhúðunarböð, herðisölt, natríum hydroxíð, fljótandi hýpólórít, málmhydroxíðleðja, ólífræn sölt</i>	318,63
<i>Ýmis spilliefni, s.s. lyf, sprautunálar, flugeldar, polyúretan úða-brúsar. Úrgangur sem þarfnast efnagreiningar</i>	318,63
<i>Umbúðir spilliefnamerktar/spilliefnamengaðar &gt;100 l</i>	5.899,00
<i>Umbúðir spilliefnamerktar/spilliefnamengaðar &lt;100 l</i>	1.475,00
<i>Gagnaeyðing</i>	111,41

## 4. gr.

Tekið er á móti úrgangi sem úrvinnslugjald er lagt á, án endurgjalds.

Starfsmaður söfnunarstöðvar ákveður, að fenginni lýsingu úrgangshafa á úrgangi, í hvaða flokk úrgangur fellur skv. gjaldskránni.

Flutningsaðilar á úrgangi á móttökustað ábyrgjast greiðslu gjalda skv. gjaldskrá eða geri grein fyrir með óbyggjandi hætti, almennt eða í einstöku tilfelli, hver sé ábyrgur úrgangshafi hvers farms.

Íbúar sveitarfélagsins geta afhent allt að 50 kg af forflokkuðum úrgangi samtals á mánuði án þess að greiða sérstaklega fyrir það, enda sé um heimilisúrgang að ræða.

## 5. gr.

Sveitarfélaginu er heimilt að gera sérstaka samninga um móttöku úrgangs og aðra þjónustubætti, þegar um er að ræða afmarkaðri eða víðtækari þjónustu en gjaldskrá tekur til.

Sveitarfélaginu er heimilt að ákveða að veittur verði allt að 3% afsláttur af framangreindri gjaldskrá gegn skilvísri greiðslu gjalda skv. gjaldskránni.

## 6. gr.

Verði vanskil á greiðslu gjalda samkvæmt gjaldskrá þessari er hægt að innheimta gjöld með fjárnámi hjá úrgangshafa án undangengins dóms, sbr. lokamálslið 4. mgr. 11. gr. laga um meðhöndlun úrgangs nr. 55/2003 með síðari breytingum, sbr. 1. gr. laga um aðför nr. 90/1989. Gjöld eru tryggð með lögveðsrétti í viðkomandi fasteign tvö ár eftir gjalddaga, sbr. lokamálslið 25. gr. laga um hollustuhætti og mengunarvarnir nr. 7/1998 með síðari breytingum.

## 7. gr.

Gjaldskrá þessi, er samin og samþykkt af umhverfis- og héraðsnefnd og staðfest af bæjarstjórn Fljótshálsbæjar 16. desember 2009, að fenginni umsögn Heilbrigðiseftirlits Austurlands og með stoð í 8. gr. samþykktar um meðhöndlun úrgangs á Fljótshálsbæ, nr. 232/2005, sbr. 25. gr. laga um hollustuhætti og mengunarvarnir, nr. 7/1998 með síðari breytingum, og 11. gr. laga um meðhöndlun úrgangs, nr. 55/2003 með síðari breytingum.

Gjaldskrá þessi tekur gildi við birtingu. Jafnframt fellur úr gildi gjaldskrá fyrir sorphirðu og sorpeyðingu á Fljótshálsbæ nr. 116/2009.

*Egilsstöðum, 17. desember 2009.*

F.h. bæjarstjórnar Fljótshálsbæ,  
**Eiríkur Bj. Björgvinsson** bæjarstjóri.